



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

Luxemburgi, 1740

CXVII. Promulgatio Canonizationis B. Agnetis ex Monte Politiano.

[urn:nbn:de:hbz:466:1-74724](#)

tunc pariter existentes Monasteriorum, a quibus dicti Prioratus respective dependent, spectare, & pertinere dignoscitur. Cum autem, sicut eadem Expositio subiungebat, Monachi prædictæ Congregationis Apostolica, vel ordinaria auctoritate de ejusmodi Prioratibus provisi, a Monasteriis eis a Capitulo generali, vel Superioribus dictæ Congregationis destinatis, & assignatis, absque eorumdem Superiorum licentia recedere, ac in præfatis Prioratibus, in quibus nulla viger Regularis obseruantia, soli, vel cum famulo residere, aut commorari, non sine evidenti animarum suarum discrimine, & Monasticæ disciplinae detimento, quandoque prætendant, occasionem vagandi, seque ab obedientia, quam suis Superioribus debent, subtrahendi inde captantes, ac infuper documenta, cura, vel scripturas originales ad ipsos Prioratus pertinentes penes se retinere, seu etiam occultare in grave Prioratum, ac Monasteriorum præfatorum damnum, & irreparabile præjudicium præsumant, nechon de fructibus eorumdem Prioratum ad sui libitum interdum disponant. Nobis propterea Exponentes prædicti humiliter supplicari fecerant, ut in premisis opportune providere, & ut infra indulgere de benignitate Apostolica dignaremur.

Preces Superiorum dictæ Congregationis.

Statuta prædicta pro Monachis de Prioratibus præfatis provisi.

Clauſulae Derogatoriae.

§. 2. Nos igitur eorumdem Exponentium votis hac in re quantum cum Domino possumus, favorabiliter annuere volentes, eorumque singulares personas a quibusvis excommunicationis, suspensionis, & interdicti, aliisque Ecclesiasticis Sententiis, censuris, & poenis a Jure, vel ab homine quavis occasione, vel causa latitis, si quibus quomodolibet innodatae existunt ad effectum præsentium dumtaxat consequendum harum serie absolventes, & absoluas fore censentes hujusmodi supplicationibus inclinati, quod de cetero nullus ex dictis Monachis de Prioratibus præfatis, etiam Apostolica auctoritate provisi, seu in posterum providis, in eisdem Prioratibus, seu apud eos, eorumve Ecclesiis, sine Superiorum suorum Regularium licentia residere, seu commorari, atque alter de fructibus ejusmodi Prioratum, quam ad formam, & præscriptum Constitutionis recol. mem. Urbani Papæ VIII. Prædecessoris itidem Nostri; quæ incipit: *In supereminenti, pro Monachis Congregationis Sancti Mauri in Gallia ejusdem Ordinis Sancti Benedicti anno 1627. editæ disponere possit, & valeat, quodque præterea omnes, & singuli Monachi de dictis Prioratibus provisi, & providendi documenta, & scripturas originales, ipsos Prioratibus, illorumve jura, bona, & res quomodolibet spectantes, vel saltē earum exempla authentica in Archivio Monasteriorum, a quibus dicti Prioratus dependent, reponere omnino debent, ac teneantur sub excommunicationis, ac privationis vocis activæ, & passivæ per contrafacentes & contumaces, in premisis eo ipso incurrendis poenis, eadem auctoritate harum serie statuimus, decernimus, & ordinamus.*

§. 3. Non obstantibus Constitutionibus, & Ordinationibus Apostolicis, ac Ordinis, Congregationis, Monasteriorum, & Prioratum præditorum etiam Juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, Indultis, & Literis Apostolicis, in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac de verbo ad verbum inferitis habentes, illis alias in suo robore permanuis, ad præmissorum effectum hac vice dumtaxat specialiter, & expresse derogamus, ceteris que contraria quibuscumque.

§. 4. Volumus autem, ut præsentium Literarum transsumtis, seu exemplis; etiam impressis manu alicujus Notarii publici subscriptis, & sigillo persona in Ecclesiastica dignitate constituta munitis, eadem prorsus fides ubique locorum, & gentium tam in Judicio, quam extra illud habeatur, quæ haberetur ipsi præsentibus, si forent exhibita, vel ostensa.

Datum Romæ apud Sanctum Petrum sub Annulo Piscatoris die quinta Decembris MDCCXXVI. Pontificatus Nostri Anno tertio.

Promulgatur Canonizatio B. Agnetis ex Monte Politiano Ordinis Prædicatorum in Sanctarum Virginum Canonem relatæ.

Vid. Conf. ed. 1723. Jun. 4. P. 1. & duas alias Conf. edd. 1726. Dec. 10. P. 3.

BENEDICTUS EPISCOPUS

Servus Servorum Dei. Ad perpetuum rei memoriam.

IN omnium Sanctorum, sed præcipue Dei Virginum, meritis celebrandis, Deum ipsum glorificari constat, qui publice salutis palmarum semper Virginibus dedit. In veteri Testamento filios Israël, Terra, Marique clausos, Virgo pedes per mare duxit incolumes. In Evangelio auctorem Mundi, & Redemptorem nostrum Virgo genuit. Virgo est Ecclesia, quam Paulus Apostolus castam Virginem Christo Domino exhibuit. Virgo quoque est filia Sion, Virgo est cœlestis illa Hierusalem, in quam nihil commune, nihil immundum ingreditur. Virgines demum Dei sponsas, sacrata Deo corpora, Dei tempora ab Ecclesia catholica pasim dici non ignoramus.

§. 1. Ex his una Beata Agnes in nostro Ordine Prædicatorum quatuor abhinc saeculis floruit, orta in Agro Montis Politiani in Tuscia anno salutis 1268., eximiisque virtutibus, quas Majores nostri in Dei Virginibus laudaverunt, ante faciem Domini summe conspicua. Hanc a prima æate luculentis futura sanctimonia præagiis multoque signorum numero, & claritate Deus illuminavit, præsertim ubi, etiamnum adolescentula, religiosum Institutum amplexa est. Ex patre enim Monasterio ad aliud Procenii in Agro Urbeveriano extrudendum missa, eidem extructo præfecta est, ubi annis quindecim pane, & aqua jejunavit, more futuri Parentis sui Beati Dominici Confessoris humili cubans, nec nisi majorum imperio sibi gratissimum vitæ ordinem mutare vila. Orationi tam ferventer inhæst, ut Deus Ancillam suam a solo extolleret, ac cœlesti manna, quasi nive, tunicam ei non femel contegeret; immo & Ecclesiam ipsam mannae granis, figuram Crucis referentibus, Episcopo ad Agnetem solemni cæremonia consecrandam accessuro, conperficit. Ei secreta cœlestia patuerunt, & princeps Tenebrarum, ea veniente ex corporibus ab se truculenter obseßis, procul fugere coactus est. Tanto Dei amore flagravit, ut nocte assumta in Coelum Beatae Mariæ Virginis Infantem Iesum inter ulnas Matris videre meruerit. Ex quamplurimis gratia suæ donis, quibus Dominus Ancillam suam cumulavit, omnium maximum præterire non licet, ei nimur ab Angelo allatum Dominicæ Corporis Sacramentum. Sancta etiam Palæstinæ Regiones, ubi Salvator conceptus, natus, conversatus, & passus est, ut visitaret, a Domino cum lacrymis flagitanti, portiuncula terra, Christi sanguine affixa, divinitus data est. De reliquis quoque Sanctorum Apostolorum Petri, & Pauli idem ei contigisse proditum est: quibus & illud accedit, tanta in Deum fide excelluisse, ut oleum, panem, & nummos multiplicare potuerit.

§. 2. Quare

ANNO
1726.
Fides habens
da trahum
tis.

CXVII.

Dat. 10. Dec.
1726. An. 3.

Exordium et
eo quod San-
cta Virgines
præalii Deo
care int.

S. Ambrosii
exhortat. Vir-
ginianis Ca-
pit. V.

Exod. XV. 20.

Luc. 1. 27.

2. Cor. XI. 2.
I. XXXVIII.
22.

Apoc. XXI.

27. Beata Agne-
tis Politiane
ortus vita
integritas,
& signifi-
catio
la patrata.

ANNO
1726.
Eius obitus.

BENEDICTUS DECIMUS-TERTIUS.

261 ANNO
1726.

§. 2. Quare Agnetis fama circumquaque dif-
fusa, Poliriani Cives sibi eam restituí summis
votis, & precibus exorare non desliterunt, do-
nec in Patriam redux, inque visu a Beatis Viris
Augustino, Francisco, & præcipue Dominico
ad le illam attrahere, mirifice recreata, sibi,
& suis nutu Dei Monasterium, sacramque adem
condere statuit, impuro seminarum habitaculo
in piarum Dei Virginum Dominicum ad hono-
rem B. Mariæ Virginis sub regula Ordinis Præ-
dicatorum converso, quo in loco dæmones, Cor-
vorum specie unguibus, & rostro Agnetem,
adhuc Adolescentulum, tanquam sibi aliquando
infestam futuram, vexare tentaverant. Mo-
nasterio feliciter absoluto, invita, omnium con-
senstu præficitur, ubi in dies Christianis virtutibus,
signisque, & propheticis etiam spiritu in-
claruit. Tandem hora indica, qua ad cœlestis
Sponsi nuptias properaret, peracerbis alias mor-
bis pie, constanterque toleratis, afflita, decu-
buit, sumtisque magna Religione Ecclesia Sacra-
mentis, Sororesque appropinquante sui transitu,
mæstas solata, ac Dei patrocinio ob Sanctam
regule observantiam illis promisso, in earum
amplexibus pie obiit Decimosecundo Kal. Majas
Anno Christi Domini 1317. Prima Dei Virgo
Claustralis nostri Ordinis Prædicatorum, multis
post dormitionem suam miraculis clara beata Ca-
tharina Senensis veneratione, ac laudibus inclita,
& eundem, ac Senensis Virgo, Beatum Ray-
mundum a Capua, totius postea Prædicatorum
familia generali Magistrum, vitæ suæ Scripto-
rem nacta.

Summi Pon-
tifices eam
ut Sanctam
Virginem ve-
nerandam a-
gnoverunt.

§. 3. Ad sacras Agnetis exuvias corruptionis
expertes, & mirifico rore assidue perfusas, ob
beneficia a Deo per ejus intercessionem accepta,
Christifidelibus magna Religione confluentibus,
felicis recordationis Decessor noster Clemens Pa-
pa VII. Apostolicis literis indulxit, ut Fratres
Prædicatores, & Politiana Ecclesia, ac Cives
Beatae Agnetis Festum, Officiumque solemniter
celebarent: quod simili memoria Clemens Pa-
pa VIII. approbavit, lectiones proprias confir-
mans eodem festo die a toto Prædicatorum Or-
dine recitandas in honorem Agnetis, quam piz
recordationis Gregorius Papa XIII. in Martyrolo-
gio Romano describi jussérat. Alii quoque An-
tecessores nostri Romani Pontifices Pius Papa V.,
& Clemens X. compluribus, ex S.R.E. ritu edi-
tis indulgentiis, Fidelium pietatem erga Beatam
Agnetem fovere studuerunt.

In Sanctarum
Virginum
Canonem ab
hoc eodem
Pontifice re-
lata fuit.

§. 4. Quibus omnibus sub simili memoria
Clemente XI. discussis, Deique Ancilla virtutibus,
& miraculis, post concessum a Sede Apo-
stolica ejus cultum, de more, coram Nobis
in examen adductis, & veteri disciplina, ac San-
ctorum Patrum Constitutionibus respondere per
omnia repertis, inque tribus Consistoriis, &
plenario conventu Venerabilium Fratrum no-
strorum S.R.E. Cardinalium, atque etiam Pa-
triarcharum, Archiepiscoporum, & Episcoporum
nobiscum in Urbe prefentum rite perpen-
sis, unanimi eorum sententia per Sedis Apo-
stolica Notarios coram Nobis excepta, Regum-
que, & Principum Christianorum, atque Ordini-
nis Prædicatorum enixis precibus pro Agnete in
Sanctorum Virginum non Martyrum canonem
referenda Apostolica Sedi porrectis, post tanta-
rei perficienda solemnem diem iudiciam, per-
que orationes, jejunia, & elemosynas Omni-
potentis Dei opem ferventissime imploratam,
Nos demum universis, quæ ex Antecessorum
nostrorum Romanorum Pontificum Constitu-
tionibus, & S.R.E. disciplina peragenda erant,
omni religione perædis, hac die in honorem
Antecessoris nostri Pontificis, & Martyris Mel-
chiadis Deo sacra, qua etiam incarnati Verbi
mysterium in annua translationis almae Domus
Lauretanæ memoria recolitur, una cum iisdem

Venerabilibus Fratribus nostris S.R.E. Cardi-
nalibus, Patriarchis, Archiepiscopis, & Epis-
copis, ac utriusque Cleri, & Populi frequentia in
Sacrafanctam Basilicam Principis Apostolorum,
Deo supplicantes convenimus, ubi semel ite-
rum, & tertio pro Beata Agneta Politiana in
Sanctorum Virginum non Martyrum canonem
referenda precibus repetitis per venerabilem Fra-
trem nostrum Franciscum S.R.E. Episcopum
Cardinalem Ostiensem, Barberinum nuncupatum,
post decantatas sacras orationes, & Spiritus San-
cti gratiam humillime imploratam, ad honorem
Sanctæ, & individua Trinitatis, Fidei Catholici-
cæ exaltationem, & Christianæ Religionis incre-
mentum, auctoritate Omnipotentis Dei, Patris,
Filii, & Spiritus Sancti, & Beatorum Apostolo-
rum Petri, & Pauli, ac nostra, de eorumdem
Venerabilium Fratrum nostrorum Sanctæ Ro-
manæ Ecclesiæ Cardinalium, Patriarcharum,
Archiepiscoporum, & Episcoporum, nobiscum
in plenario conventu Basilicæ Vaticanae pre-
sentium, consilio, & unanimi consensu, Beatan
Agnetem Politianam Ordinis Prædicatorum, de
cujus Sanctitatem, fidei sinceritate, & ceterarum
Virtutum, ac miraculorum excellentia plene con-
statbat, & constat, una cum Beato Thuribio Con-
fessore, & Pontifice Ecclesiæ Limanæ, & Beato
Jacobo a Marchia Confessore non Pontifice Or-
dinis Minorum, Sanctam esse definitivus, San-
ctorum Virginum non Martyrum canoni adscri-
bendam decrevimus, prout praesentum tenore
definimus, decernimus, & adscribimus, eamdem
que per universos Christifideles, tanquam vere
Sanctam, honorari mandavimus, & mandamus,
statuentes, ut ab universa Ecclesia in ejus hono-
rem aëdes sacræ, & altaria, in quibus incruen-
tum Sacrificium Deo offeratur, adificari, &
consecrari possint, & quotannis decimosecundo
Kal. Majas, quo ad cœlestem Patriam evolavit,
ejus festa solemnia, ut Sanctæ Virginis non Mar-
tyris celebrari possint.

§. 5. Insuper eadem auctoritate, omnibus
Christifidelibus vere pénitentibus, & confessis,
qui eodem die festo in memoriam Beatae Agnetis
ad ejus exuvias visitandas accesserint, annum &
quadragenan; iis vero, qui in Octava ejusdem
Festi, quadraginta dies de injunctis, seu quomo-
dolibet eis debitis pénitentis, misericorditer in
Domino relaxavimus, & relaxamus.

Sacras ejus
exuvias vi-
stantibus pe-
culares In-
dulgentiae
concessæ.

§. 6. Postremo gratiis Deo actis, quod Eccle-
siam suam insigni hoc, novoque luminari illustrare
dignatus fuisset, cantata in honorem Sanctorum,
Agnetis Politianæ Virginis, Thuribii Con-
fessoris Pontificis, & Jacobi a Marchia Confe-
ssoris, solemni oratione, in Ara Principis Apostolo-
rum sacrosanctum Missæ Sacrificium celebравimus
cum ejusdem Virginis, & ceterorum com-
memoratione, omnibusque Christifidelibus tunc
prefentibus plenariam omnium peccatorum in-
dulgentiam concessimus.

Gratiarum
actio.

§. 7. Decet igitur, ut pro tam peculiari, in-
signique beneficio cæltius Nobis concessio omnes
benedicamus, & glorificemus Deum Patrem,
omnium bonorum Autorem, cui est honor, &
gloria in secula, aliis precibus ab eo postulan-
tes, ut per intercessionem electæ suæ Agnetis Vir-
ginis, a peccatis nostris indignationem suam aver-
tens, ostendat Nobis faciem misericordiæ suæ,
immittatque timorem sui super gentes, quæ non
cognoverunt eum, ut tandem cognoscant, quia
non est alius Deus, nisi Deus noster;

Hæ literæ
Ap. stol. ubi-
que fidem
obtineant.

§. 8. Cæterum quia difficile foret, præsentes
nostras literas ad singula loka, ad que opus esset,
adferri volumus, ut earum exemplis, etiam im-
pressis, manu publici Notarii subscriptis, & sigillo
aliquius persona in dignitate Ecclesiastica con-
stituta munitis, eadem ubique fides habeatur,
quæ ipsis præsentibus adhiberetur, si essent exhibi-
ta, vel ostensæ.

§. 9. Nulli

1726.

Nemo eas infingere audiat.

¶. 9. Nulli ergo omnino hominum licet hanc paginam nostræ definitionis, Decreti, adscriptionis, relationis, mandati, statuti, relaxationis, & voluntatis infringere, aut ei temerario auctu contraire. Si quis autem hoc attentare prafumpferit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Roma apud Sanctum Petrum Anno Incarnationis Dominicæ Millesimo Septingentesimo Vigesimosexto Quarto Idus Decembres Pontificatus nostri anno Tertio.

Subscriptio-
nes Pontifi-
cis, & Cardi-
nalium.

¶ Ego Benedictus Catholicæ Ecclesiæ Episcopus.



† Ego Franciscus Episcopus Ostiensis Card. Barberinus.

† Ego Petrus Episcopus Sabinensis Cardinalis Ottobonus S. R. E. Vicecancellarius.

† Ego Laurentius Episcopus Tuscanus Cardinalis Corfinius.

† Ego Joseph Renatus Tituli Sancti Georgii in Velabro Presbyter Cardinalis Imperialis.

† Ego Philippus Antonius Tituli Sancte Praxedis Presbyter Cardinalis Gualterius.

† Ego Annibal Tituli Sancti Clementis Presbyter Cardinalis S. Clementis Albanus S. R. Ecc. Camerarius.

† Ego Ludovicus Tituli S. Silvestri in Capite Presbyter Cardinalis Picus de Mirandula.

† Ego Joannes Antonius Tituli S. Caixti Presbyter Cardinalis de Via.

† Ego Antonius Felix Tituli Sancte Balbinæ Presbyter Cardinalis Zondadarius.

† Ego Petrus Marcellinus Tituli S. Joannis ante Portam Latinam Presbyter Cardin. Corradinus.

† Ego Curtius Tituli S. Eustachii Presbyter Cardinalis Origus.

† Ego Melchior Tituli S. Marie Angelorum Presbyter Cardinalis de Polignac.

†

Ego Nicolaus Tituli Sandorum Nerei, & Achillei Presbyter Cardinalis Spinula.

Ego Georgius Tituli S. Agnetis Presbyter Cardinalis Spinula.

Ego Cornelius Tituli S. Hieronymi Myricorum Presbyter Cardinalis Bentivulius de Aragonia.

Ego Ludovicus Tituli Sancte Priscae Presbyter Cardinalis Belluga, & Moncada.

Ego Joseph Tituli S. Susannæ Presbyter Cardinalis Pereyra de la Cerdia.

Ego Alvarus Tituli S. Bartholomæ in Insula Presbyter Cardinalis Cienfuegos.

Ego Bernardus Maria Tituli Sancti Bernardi ad Thermas Presbyter Cardinalis de Comitibus Major Panitentiarium.

Ego Joannes Baptista Tituli S. Matthæi in Merniana Presbyter Cardinalis de Alteris.

Ego Vincentius Tituli S. Onuphrii Presbyter Cardinalis Petra.

Ego Prosper Tituli S. Chrysogoni Presbyter Cardinalis Marifuscus.

Ego Frater Augustinus Tituli S. Xisti Presbyter Cardinalis Pipia.

Ego Nicolaus Maria S. R. E. Presbyter Cardinalis Lercarii.

Ego Frater Laurentius S. R. E. Presbyter Cardinalis Cozza.

Ego Benedictus S. Mariæ in Via Lata Diaconus Cardinalis Pamphilii.

Ego Laurentius S. Agatha ad Montes Diaconus Cardinalis de Alteris.

Ego Carolus S. Angelii in Foro Piscium Diaconus Cardinalis Columna.

Ego Julius Tituli S. Hadriani Diaconus Cardinalis Alberonius.

Ego Alexander S. Mariæ in Cosmedin Diaconus Cardinalis Albanus.

Ego Alexander S. Mariæ de Seala Diaconus Cardinalis Falconerius.

Ego Nicolaus S. Mariæ ad Martyres Diaconus Cardinalis Justice.

P. Card. Prodatarius.

Pro D. Cardinali Oliverio.

C. Archiepiscopus Emissenus.

V I S A

De Curia J. Archiepiscopus Anciranus.

L. Martinettus.

Registrata in Secretaria Brevoium.

Decernitur ut quidam fundus, seu cumulus instituatur pro agenda Beatificatione, seu Canonizazione eorum, qui in Ordine Servorum B. M. V. cum sanctitatis fama obierunt.

Alia hujus Conf. ed. 1724. Jun. 4. Pont. 1. promulgata fuit Canonizatio B. Philippi Benitii dicti Ordinis.

B E N E .

CXVIII.